

論

語

經

正

錄

自朱子爲論語孟子集注又取禮記中大學中庸爲之章句紹熙元季刊於臨漳後儒誦習名爲四書與六經並行元明至

國朝以經義取士曾試四書義垂之

功令背注者黜弗錄使天下士由朱子之學上窺鄒魯恣至書也沿習旣久逐末忘本以聖賢明道教人之書給取利祿而罔聞於行高明之士則厭棄之殫心訓詁攷據惡言義理正學不明士風日下時文講章之弊至斯極矣先君子居常憂之思欲纂集一編以救時弊晚季疾佗未及詳加摻討呼

小子用諸

命繼成之

用諸

謹定條例廣集羣書閱六寒暑先成論語二十卷媿質之不敏思庭訓之垂從大懼鹵莽滅裂採擇失當得舉

聖經墜厥先志私心懷慄未敢卽安願與好學君子共商之焉

集注章句辭簡義深非初學所易領取故讀集注章句必參以或問旁及朱子語類文集然後經旨易明然或問爲未改之書語類爲門人裸記文集多未定之論參互異同難以畫一趙格菴四書纂疏胡雲峰四書通及明永樂大全皆採或問語類文集合於集注章句者附注於下然觀大全所載皆輾轉抄錄裁翦合併更爲增飾證之本書類多舛譌識者病之今於語類文集從原書採錄注明某錄荅某某書參校同異竝識當日質問之人庶學者有所攷焉

何氏集解取孔安國包咸周氏馬融鄭元陳羣王肅周

生烈八家皇氏義疏取衛瓘繆播樂肇郭象蔡謏袁宏  
江厚蔡溪李充孫綽周懷范甯王珉十三家朱子論孟  
精義取二程子張子范祖禹呂希哲呂大臨謝良佐游  
酢楊時侯仲良尹焞十一家至爲章句集注則兼採漢  
唐以下五十四家趙格菴纂疏取黃幹輔廣陳淳陳孔  
碩蔡淵蔡沈葉味道胡泳陳埴潘柄黃士毅真德秀蔡  
楫十三家胡雲峰四書通又增入四十五家蓋義理非  
一人所能盡經旨以其證而益明摭拾博則搜擇精守  
偏見安簡陋通儒弗取是書斷自朱子以下朱元明至  
國朝先儒採錄者亦百餘家非敢務廣度不失博學詳  
說之義云爾

朱子集注屢經刪改自言字字稱量於聖人語意剖析

精微不使少有出入故有言理深通推說曲暢它人所喜朱子往往辨而斥之然此義言內注目圈外注則少寬矣此書仿朱子論孟精義衛正叔禮記集說蒼萃眾說爲例益寬所賢闡明經義大旨不必悉合集注語意羣言粲陳要歸自見在學者善觀會通而已

朱子傳程子之學而說經不盡同程子金仁山許白雲得朱子正傳而於集注間有匡正蓋義理之宏綱要旨聖賢修道人德之方千聖相傳不可不同者也章句文義典章名物詮釋各異攷據詳略有殊不必皆同者也此書所採有耑儒之說朱子所不取者有朱子舊說與集注異者亦有集注偶失論辨匡正者苟於經義有關不以異集注擯而不錄至義理之宏綱要旨聖賢修道

入德之方則恪遵朱子違異者黜讀者詳之

朱子之學裒章於元大顯於明正嘉靖純儒輩出道一風同人喪異學自陽明氏起而後異說興焉陸稼書訂正四書大全錄蒙引存疑不取萬歷以後之說其松陽講義辨陽儒陰釋尤三致意焉志存衛道可謂嚴矣是書於明季諸儒直標心宗顯背聖經者槩置弗錄言之平實合於經注者亦同採錄朱子於蘇眉山張廌垢以襍學廢之而集注取其說是可知所用心矣

朱子序論孟精義曰漢魏諸儒正音讀通訓詁攷制度辨名物其功博矣學者苟不先涉其流則亦何以用力於此是朱子教人先讀注疏而後及於精義非薄訓詁名物制度不言也且朱子著書務明義理使學者躬行

心得補注疏之不及急於此則緩於彼理勢然自金仁山論孟集注攷證許白雲讀四書叢說訓詁名物制度攷證較詳趙鐵峰箋義纂要陳心叔類攷專攷名物制度羽翼集注至近世漢學家攷之益加詳矣今錄其說之精塙者使學者於義理攷證本末兼資庶不失朱子教人之旨云

自明永樂輯四書大全懸功令取士時文講章之弊實濫觴於此然陸稼書困勉錄丹蟬菴四書詳說皆言及制義蓋上以是教下以是學果發篋受書卽知返身爲己不徒視爲干祿之具何可盡訾也降及末流著述者競趨風氣誦習者務工時文揣摩章旨節旨虛神語脈備及精微而不問聖學何如也不問身心何如也朱子

闡明四書之旨荒矣是書所錄於言章旨節旨虛神語脈之說一槩不取而爲學入德返身切己之言錄之必詳或有小補於世意在斯乎

朱子論語或問云凡竝緣假借最釋經之大病蓋或文句偶同而旨意實異或志意略似而向背實殊或反以彼之難而釋此之易或彊以彼之有而形此之無使意已親者引之而反疏義已明者引之而反暗其偶值文意之適同而喪其數者之患亦不免倚重於人而取信於外終不若出於吾之所親見而自言者之的埒而真實也語類安卿錄云君舉在三山講某人講學而首章謂第一節是心與理一第二節是己與人一第三節是人與天一以爲奇論是其科舉之習未除今所錄者謹



依朱子解經之例凡獨標一義該括經旨以爲新奇如  
科舉之學假借它書附會經旨以爲有據如今漢學家  
之說者皆所不取

方植之曰後人淺陋著書引古人之書或記舊文不全  
妄以臆見改竄鑿空杜撰紕繆陋妄最足貽誤後人故  
今當嚴其例必全引用原文此一義也衛正叔序禮記  
集說曰嘗取鄭注孔義翦除蕪蔓採摭樞要又一義也  
是書採錄時有節刪或原文繁冗割棄蕪辭如王船山  
讀四書大全說或辭近俚俗太泰太甚如朱子語類其  
它亦間有刪汰然斷章則有變本則喪至其原書喪存  
從它書採錄者則據先儒之引改非末學所敢塗也  
衛正叔禮記集說蒼版諸家不參以己說其自言曰它

人著書惟恐不出於己予之此編惟恐不出於人存心  
廣大人多憚之是書義亦在蒼聚眾說然有朱子集注  
在再實已有所宗主凡與集注異者少加案語以辨異  
同務使羣言證明非敢彊作知解

光緒辛卯冬十月用誥謹述

論語經正錄採錄諸儒姓氏

朱子

文集 語類 四書或問 延

平荅問

閩縣 勉齋黃氏 幹

論語注義問荅通釋 胡炳文四書通

引 胡廣四書大全引

龍溪 安卿陳氏 清

北溪集 宇義

慶源 漢卿輔氏 廣

論語荅問 胡炳文四書通引 胡廣四書大全引

溫州 知道葉氏 味道

講義 四書說 胡炳文四書通引 胡廣四書大全引

南康 伯量胡氏 泳

胡炳文四書通引 胡廣四書大全引

建安 九峰蔡氏 沈

蔡氏九儒書

潮州 文相鄭氏 南升

胡廣四書大全引

永嘉 器之陳氏 埴

木鐘集

建安節齋蔡氏淵蔡氏九儒書

引容東溪劉氏伯熊蔡節論語集說引

永嘉岷隱戴氏溪蔡節論語集說引

慈溪慈湖楊氏簡陸隴其四書因勉錄引

休甯流塘詹氏初寒松閣集黃宗羲宋元學案引

廣信雙峰饒氏魯論語石洞紀聞朱子異同條

辨雙峰講義胡炳文四書通引

四書大全全引

建安覺軒蔡氏模論語集疏蔡氏九儒書

樂清白石錢氏文子蔡節論語集說引

南康厚齋馮氏椅胡廣四書大全引

臨川鶴山魏氏了翁鶴山大全集

浦城 西山真氏 德秀 四書集編 讀書記 大學衍

義

鄆縣 蒙齋袁氏 甫 講義 黃宗義宋元學案引

縉雲 格菴趙氏 順孫 四書纂疏

永嘉 覺菴蔡氏 節 論語集說

慶元 伯厚王氏 應麟 困學紀聞

慈溪 東發黃氏 震 日鈔

金華 北山何氏 基 金履祥論語集註考證引

樂平 貴與馬氏 端臨 文獻通攷

金華 魯齋王氏 柏 標註四書 金履祥論語集註考證引

新安 勿齋程氏 若庸 性理字訓 胡廣四書大全引

建安 勿軒熊氏 禾 標題四書 胡廣四書大全引

卷之二

番陽節初齊氏 夢龍

語解 胡炳文四書通引

莆田四如黃氏 仲元

四如講稿 胡廣四書大全引

蘭溪仁山金氏 履祥

論語集註攷證

金華白雲許氏 謙

讀四書叢說

河內魯齋許氏 衡

語錄

婺源子見程氏 復心

四書纂釋 胡廣四書大全引

番陽可堂吳氏 仲迂

四書語錄 胡炳文四書通引

休甯定宇陳氏 櫟

四書發明 胡炳文四書通引

婺源雲峰胡氏 炳文

四書通

歙縣仲宏倪氏 士毅

四書輯釋 胡廣四書大全引

樂平克升朱氏 公遷

四書通旨

崇仁草廬吳氏 澄

吳文正集 黃宗羲宋元學案引

南昌 鐵峯趙氏 應

四書箋義纂要

龜池 月川曹氏 端

語錄

何津 敬軒薛氏 瑄

讀書錄

臨川 康齋吳氏 與弼

語錄

黃宗羲明儒學案引

三原 石渠王氏 恕

石渠意見

餘干 敬齋胡氏 居仁

居業錄

晉江 虛齋蔡氏 清

四書蒙引

崑山 莊渠魏氏 校

莊渠遺書

黃宗羲明儒學案引

泰和 整菴羅氏 欽順

困知記

安陽 後渠崔氏 銳

士翼

黃宗羲明儒學案引

增城 甘泉湛氏 若水

四書訓測

陸隴其四書困勉錄引

武進 養齋徐氏 問

讀書劄記

黃宗羲明儒學案引

弋陽 石潭汪氏 俊 濯舊葉

餘姚 陽明王氏 守仁 陽明全集

高陵 涇野呂氏 柝 四書因問

吉水 谷平李氏 中 谷平日錄 黃宗羲明儒學案引

南海 渭厓霍氏 韜 文敏粹言 渭厓集 黃宗羲明儒學案引

案引

香山 泰泉黃氏 佐 庸言

德清 敬菴許氏 孚遠 敬和堂集 黃宗羲明儒學案引

安福 東廓鄒氏 守益 東廓集

山陰 龍溪王氏 畿 龍溪全集 陸隴其四書困勉錄引

金壇 方麓王氏 樵 四書紹聞編

同安 次厓林氏 希元 四書存疑



武進 方山薛氏 應旂

四書人物考

武進 荆川唐氏 順之

荆川文集

晉江 遵巖王氏 慎中

遵巖文集

新都 用修楊氏 慎

升菴集

金壇 宇泰王氏 肯堂

論語義府

烏程 承菴姚氏 舜牧

四書疑問

南昌 思文萬氏 尚烈

四書測

孫應科四書說苑引

吳縣 因之吳氏 默

陸隴其四書困勉錄引

錢塘 妻同沈氏 守正

四書說叢

妻錫 涇陽顧氏 憲成

小心齋劄記 四書講義

妻錫 景逸高氏 攀龍

高子遺書

京山 楚望郝氏 敬

四書攝提

長安 少墟馮氏 從吾 四書疑思錄

應城 心叔陳氏 士元 論語類考

吳江 季侯周氏 宗建 論語商 陸隴其四書困勉錄引

山陰 念臺劉氏 宗周 語錄

秀水 羽皇宋氏 鳳翔 四書證學錄 陸隴其四書困勉錄引

永豐 雙江聶氏 豹 困辨錄 陸隴其四書困勉錄引

定興 伯順鹿氏 善繼 四書說約

嘉善 幾亭陳氏 龍正 幾亭全書 陸隴其四書困勉錄引

芑山張氏 陸隴其四書困勉錄引

太倉 麟士顧氏 夢麟 四書說約

絳州 復元辛氏 全 陸隴其松陽講義引

衡陽 船山王氏 夫之 四書訓義 讀四書大全說

四書裨疏

容城 夏峰孫氏 奇逢

四書近指

桐鄉 楊園張氏 履祥

備忘錄

盤屋 二曲李氏 嗣

四書反身錄

太倉 桴亭陸氏 世儀

思辨錄

濟陽 蒿菴張氏 爾岐

蒿菴閒話

崑山 亭林顧氏 炎武

日知錄

太原 潛邱閻氏 若璩

四書釋地

溧陽 蒿子芮氏 長恤

匏瓜錄

崑山 柏廬朱氏 用純

毋欺錄

祁州 蒙古刁氏 包

四書翊註

安邱 直齋劉氏 源潔

日記 冷語

孝感 魯岡彭氏 大壽 魯岡或問

襄城 禮山李氏 來章 達天錄

中牟 蟬菴冉氏 覲祖 四書詳說

蕭山 西河毛氏 奇齡 經問 論語稽求篇

寶應 止泉朱氏 澤雲 止泉集

安溪 榕村李氏 光地 論語劄記

蔚州 庸齋魏氏 象樞 寒松堂集

平湖 稼書陸氏 隴其 松陽講義 四書困勉錄 三

魚堂日記

慈溪 西溟姜氏 宸英 湛園札記

鄞縣 滄柱仇氏 兆鰲 訂正四書大全

錢塘 山公馮氏 景 解春集

儀封

孝先張氏伯行

困學錄

蠡縣

恕谷李氏搢

恕谷後集

長洲

義門何氏焯

讀書記

山陰

荆山向氏璫

四書記疑

唐鑑學案  
小識引

華亭

廣期焦氏袁熹

此木軒四書說

蒲州

君玉崔氏紀

論語溫知錄

吳縣

半農惠氏士奇

禮說

江陰

賓實楊氏名時

論語劄記 程功錄 講義

興縣

懿齋孫氏嘉祿

成均講義

雲錫

岱雲李氏沛霖

四書異同條辨

復初顧氏

棟高

春秋大事表

婺源

慎修江氏永

鄉黨圖考 羣經補義

宋來者簡生氏

木

提

錢塘 開齋沈氏 近思 語錄

金壇 已山王氏 步青 四書本義滙參

鄞縣 謝山全氏 祖望 經史答問

宜興 翼聖任氏 啟運 四書約旨

博野 元孚尹氏 會一 讀書筆記

婺源 雙池汪氏 烜 四書詮義

甯化 翠庭雷氏 鉉 經筵堂文集 唐鑑學案 小識引

河內 用九夏氏 錫疇 強學錄

餘姚 抱經盧氏 文昭 龍城札記

嘉定 竹汀錢氏 大昕 養新錄

大名 東壁崔氏 述 考信錄 論語餘說

桐城 惜抱姚氏 鼐 經說 筆記

金園

味經秦氏

蕙田

五禮通考

寶應

端臨劉氏

台拱

論語駢枝

仁和

鹿泉趙氏

佑

四書溫故錄

黃式三論語後案引

蕭山

寅谷曹氏

之升

四書臧餘說

通州

介菴雷氏

學拱

經說

高郵

貽園宋氏

絳初

釋服

武進

拜經臧氏

庸

拜經日記

績溪

竹村胡氏

培翬

褙袷答問

仁和

升卿方氏

觀旭

論語偶記

長洲

于庭宋氏

翔鳳

論語說義發微

淑起陳氏

震

箕野說書

上元

異之管氏

同

四書紀問

劉寶楠論語正義引

桐城 植之方氏 東樹 儀衛軒遺書 漢學商兌

儀徵 芸臺阮氏 元 校勘記

溧陽 理衷周氏 栢中 四書典故辨正

德清 新田徐氏 養原 頑石廬經說

臨海 誠齋金氏 鸞 求古錄禮說 鄉黨正義

靜海 若人毛氏 士 春秋諸家解

寶應 楚楨劉氏 寶楠 論語正義

高郵 伯申王氏 引之 經傳釋詞

山陽 彥輔潘氏 德輿 養一齋劄記

寶應 叔俛劉氏 恭冕 論語正義

定海 薇香黃氏 式三 論語後案

當塗 心伯夏氏 所 學禮管釋



霍山

竹如吳氏

廷棟

拙修集

家慈思先生

諱植

四書參註

論語經正錄

淡澤 王肇晉 學

男 用誥 述

學而第一

朱子文集

敬夫

學而說此篇名也取篇首兩字

爲別初喪意義但學之爲義則讀此書者不可  
以不先講也夫學也者以字義言之則己之未  
知未能而效夫知之能之之謂也以事理言之  
則凡未至而求至者皆謂之學雖稼圃射御之  
微亦曰學配其事而名之也而此獨專之則所  
謂學者果何學也蓋始乎爲士者所以學而至  
乎聖人之事伊川先生所謂儒者之學是也蓋

伊川先生之言曰今之學者有三辭章之學也  
訓詁之學也儒者之學也欲通道則舍儒者之  
學不可尹侍講所謂學者所以學爲人也學而  
至於聖人亦不過盡爲人之道而已此皆切要  
之言也夫子之所志顏子之所學子思孟子之  
所傳皆是學也其精純盡在此書而此篇所明  
又學之本故學者不可以不盡心焉

朱子語類

壽昌錄

今讀論語且欲讀學而一篇若

明得一篇其餘自然易曉

又

麟錄

學而篇皆先言自修而後親師友有朋自

遠方來在時習之後而親仁在入則孝出則弟  
之後就有道而正焉在食喪求飽居喪求安之

後母友不如己者在不重則不戚之後今人都  
不忝自修祇專靠師友說語

子曰學而時習之不亦說乎有朋自遠方來不亦樂乎  
人不知而不慍不亦君子乎

朱子語類

錄

問注云學之爲言效也效字所包甚廣

曰博學謹思審問明辨篤行皆學效之事也

又

錄

今且理會學是如何然後理會時習蓋人祇有

一心天下之理皆聚於此此是主張己一身者若心  
不在焉得理來且說爲學有多少事孟子祇說學問  
之道求其放心而已矣

又

錄

安卿或問學而時習不是詩書禮樂然喪詩書禮

樂亦不得聖人之學與俗學不同祇爭在此聖賢教

人讀書要知所以爲學之道俗學讀書便祇是讀書  
更不理會爲學之道是如何

又震錄蕭定夫說胡致堂云學者何仁也曰學字是喪  
定之字若止云仁則漸入喪形體矣所謂學者每事

皆當學便實

又柵錄問程子二說時復思繹是就知上習所學在我  
是就行上習否曰是如此

又賀錄孫伊川意是說習於思天下事若不先思如何  
行得說習於行者亦非外於思思與行亦不可分說

又祖道錄緊要在學而時習之到說處自不能已今人  
學而不能久祇是不到可說處到學而不能自己則

久久自有此理

又祖道錄大抵私小之人或有所見則不肖告人持以

自多君子存心廣大已有所得足以及人信從者自遠而至其眾如是安得不樂

又夔孫錄或謂朋來講習之樂爲樂曰不似伊川說得

大蓋此道理天下所公共我獨曉之而人不曉亦自悶人若有朋自遠方來則信向者眾故可樂若以講習爲樂則此方有資於彼而後樂其爲樂也小矣

又惺錄人不知而不慍自是不相干涉己爲學之初優

是不要人知至此而後真能不要人知爾若煅煉未能得十分成孰心固有時被其所動及到此方真能人不我知而不慍也

又夔孫錄不慍不是大故怒心中略有不平之意優是

學而第一  
三  
慍此非得之淡養之厚者不能如此

又錄

時舉樂公而慍私君子有公其之樂喪私己之怨

朱子文集

答陳明仲

人不知而不慍和靖所謂學在已知

不知在人何慍之有者最爲的當蓋如此而言乃見爲己用心之約處若以容人爲說竊恐爲己之心不切而又涉乎自廣狹人之病其公道益遠矣

朱子論語或問所謂學者有所效於彼而求其成於我之謂也以己之未知而效夫知者以求其知以己之未能而效夫能者以求其能皆學之事也曰學而時習何以說也曰言人既學而知且能矣而於其所知之理所能之事又以時反復而溫釋之如鳥之習飛然則其所學者孰而中心說懌也蓋人而不學則

喪以知其所當知之理喪以能其所當能之事固若  
冥行而已矣然學矣而不習則褻褻扞格而喪以致  
其學之之道習矣而不時則功夫間斷而喪以成其  
習之之功是其習中雖欲勉焉以自進亦且枯燥生  
澀而喪可嗜之味危殆杌隉而喪可卽之安矣故既  
學矣又必時習之則其心與理相涵而所知者益精  
身與事相安而所能者益固從容於朝夕俯仰之中  
凡其所學而知且能者必皆有以自得於心而不能  
以語諸人者是其中心油然說懌之味雖芻豢之甘  
於口亦不足以喻其美矣此學之始也曰以善及人  
而信從者眾若何而樂邪曰理義人心之所同然非  
有我之得私也向也吾獨得之雖足以爲說矣然以



之告人而人莫之信以之率人而人莫之從則是獨  
擅乎此理而舉世倭倭不得於其心之所同也是猶  
十人同食一人既飽而九人不下咽則吾之所說雖  
淡亦曷爲而能達於外邪今吾之學所以得於己者  
既足以及人人之信而從者又如此其眾也則將皆  
有以得其心之所同然者而吾之所得不獨爲一己  
之私矣夫我之善有以及於彼彼之心有以得乎我  
吾之所知者彼亦從而知之也吾之所能者彼亦從  
而能之也則其歡忻交通宣揚發暢雖宮商相宣律  
呂諧和亦不足以方其樂矣是學之中也曰人不知  
而不愠何以爲君子也曰常人之情人不知而不能  
不愠者有待於外也若聖門之學則以爲己而已本

非爲是以求人之知也人知之人不知之亦何加損於我哉然人雖或聞此矣而信之有不篤養之有不厚守之有不固則居之不安而臨事未必果能眞不動也今也不見知而處之泰然且略蕪纖芥含怒不平之意非成德之君子其孰能之自是日進而不已勇則不怨不尤下學上達雖至於聖人可也此學之終也

金仁山

履祥

曰古人爲學是先從事上學所謂先覺

之所爲是其行事踐履文辭制度凡詩書六藝之文皆先覺之所爲也朱子於或問中論學分知能集注蓋合言之夫聖賢先覺之人知而能之知行合一後覺所以效之者必自其所爲而效之蓋於其言行制

作而體認之也

羅整菴

欽順

日子以四教文行忠信夫子之所以教

卽學者之所以學也學文修行皆要時時習之而忠信其本尤不可須臾失焉者也

刁蒙吉

包

曰學兼知行又當兼身心說內凝其志氣

而垂邪思以心習也外肅其威儀而垂妄動以身習也致知力行時時砥礪乎身與心時習之學乃垂邇義矣

楊賓實

名時

曰先王之教祇是詩書禮樂王制所謂

春秋教以禮樂冬夏教以詩書文王世子所謂春誦夏弦秋學禮冬讀書四者已該括知行論語首章學字卽指此

家慈患先生曰疏訓學字以誦習經業爲言朱子注  
大學學謂講習討論之事此以效字訓之以明善復  
初實之義兼知行蓋於合下誦習中推出所以然之  
義竊謂但以誦習爲言未免失之太淺然誦習是知  
一邊事亦學之實業也子路曰何必讀書然後爲學  
則當日亦以讀書爲學可知但聖門知行並進如以  
顏子不遷怒貳過君子敬慎爲好學則又在行一邊  
言之不似後世口耳記誦已耳

鹿伯順

著繼

曰曰說樂不愠向非於人所不見之地

有內省不疚之功何以如此真切如此超脫此章是  
孔子自寫生面全重時習蓋本心難昧未嘗不知修  
持祇轉念易棄學而易歇時習則功夫無間本體流

行深造自得欲罷不能說可知矣

汪雙池

烜

曰程注時復思繹是時習在心致知之事

也學將以行之云云是時習在事力行之事也謝注坐如尸立如齊錯舉二事以見時時事事莫非學習也蓋此道無物不有無時不然故學之習之亦無事而不在此無時而可閒內專於心外專於事知行相軋淺深相引生歆相因新故相繹此中原無止境到純歆時便是君子

沈闇齋

近思

曰學字兼知行敬思繹浹洽知之精也

所學在我行之實也坐如尸立如齊居敬之密也窮理以致其知力行以踐其實居敬以成始成終聖賢之學其有出於此者乎

齊節初

夢龍

曰樂非幸人之信從於我也孔子曰仁

者己欲立而立人己欲達而達人物我之間天理流行蓋方於此樂見之

張楊園

履祥

曰朱子謂不知而不愠者逆而難不知

豈特爲人忽易而已甚者賤辱之咎責之怨惡之喪所不至舜之於家文王於朝孔孟於春秋戰國之世一時父子兄弟君臣朋友其孰能知之當時而能不愠豈非甚難非甚盛德何以履之而泰然乎

何義門

焯

曰此與中庸遯世不見知而不悔同意非

謂世無見用者也此對上說樂故云不愠中庸對上半塗而廢故云不悔

陸稼書

隴其

曰不愠不可謂爲置之度外不屑教誨

亦是不慍息耶距淫亦是不慍居夷浮海亦是不慍  
三月喪君皇皇如也亦是不慍此心不動祇在道理  
上優是不慍

吳竹如

廷棟

曰一有近名之心其志遂隱爲毀譽所

奪雖日從事於道義皆徇外爲人矣故必遯世無悶  
不見是而無悶乃爲爲己之學

金仁山曰學至於說則其進不已其應不窮其教不  
困故及人而樂及人而樂則其心不私其量能大所  
以進於君子

汪雙池曰集注學之正正字與管節注明善復初相  
應蓋異學末學亦俱有習說朋來之閱歷到頭究竟  
不是君子乃知學之正三字乃君子源頭朱子喫緊

爲人處不可忽也

王船山

夫之

曰論語是聖人徹上徹下語須於此看

得下學上達同中之別別中之同如學而時習之章  
聖人分中亦有此初學分中亦有此夫子祇就其所  
得者約略著此數語而加之以詠歎使學者一日用  
力於學早已有逢原之妙終身率循於學而不能盡  
所得之深

有子曰其爲人也孝弟而好犯上者鮮矣不好犯上而  
好作亂者未之有也君子務本本立而道生孝弟也者  
其爲仁之本與

朱子語類節錄問當說本立而末生何云道生曰本立  
則道隨事而生如事親孝故忠可移於君事兄弟故



順可移於長

又賀孫錄

問本立道生曰如人能孝弟漸漸和於一家

以至親戚故舊漸漸通透

又備錄

或說孝弟之人發於它事喪不和順曰人不孝

弟則此理中斷下面更生不公承接不來所以說孝弟爲仁之本

又璘錄

問孝弟仁之本是良心曰不須如此說祇平穩

就事上觀有子言其爲人孝弟則必柔恭柔恭則必  
喪犯上作亂之事是以君子專致力於其本然不成  
如此便止故曰本立而道生孝弟也者其爲仁之本  
與蓋能孝弟便須從此推去故能變人利物

又伯羽錄

問孝弟爲仁之本曰此是推行仁道發政施

仁之仁非克己復禮爲仁之仁然亦祇是一理爲仁之本就事上說克己復禮就心上說本字是大學其本亂而末治者否矣意思理一而分殊雖賢乎一視同仁然不自親始亦不得

又

賀孫錄

爲仁以孝弟爲本卽所謂親親而仁民仁民

而愛物論性則以仁爲孝弟之本孩提之童無不知愛其親及其長也喪不知敬其兄是皆發於心德之自然故論性以仁爲孝弟之本爲仁以孝弟爲本仁字是指周徧及物者言之以仁爲孝弟之本仁字是指本體發動處言之否曰是道理都自仁內發出曾先發出爲愛愛莫切於愛親其次僣到弟其兄又其次僣到事君以及於它皆從此出

朱子文集

敬夫張敬夫

蓋莫非道也而道體中又自有要約

根本處非離道而別有本也如云親親仁也敬長義

也此所謂本也喪它達之天下也則是本既立而道

生矣

又

荅董叔重

問仁固孝弟之本有仁而後有孝弟然仁道

生也生莫先於孝弟蓋其油然而發至精實而喪偽

自然不可已者莫如愛親從兄之心故伊川曰仁主

於愛愛莫大於愛親故推行仁道自孝弟始是乃行

仁之根本也根本既立則親親而仁民仁民而愛物

至於廓然大公喪所不愛而有以全盡其仁道之大

則皆由此本既立而自生生有不可過者自此所謂

本立而道自生也生者生生不窮之意伊川所謂其

道充大是也非喪本而漸生之謂曰大概且用此意涵泳久之自見得失

朱子論語或問或問仁何以爲愛之理也曰人稟五行之秀以生故其爲心也未發則具仁義禮智信之性以爲之體已發則有惻隱羞惡恭敬是非誠實之情以爲之用蓋木神曰仁則愛之理也而其發爲惻隱火神曰禮則敬之理也而其發爲恭敬金神曰義則宜之理也而其發爲羞惡水神曰智則別之理也而其發爲是非土神曰信則實有之理也而其發爲忠信是皆天理之固然人心之所以爲妙也仁之所以爲愛之理於此其可推矣或曰然則程子以孝弟爲行仁之本而又曰論性則以仁爲孝弟之本何也

曰仁之爲性愛之理也其見於用則事親從兄仁民  
愛物皆其爲之之事也此論性而以仁爲孝弟之本  
者然也但親者我之所自出兄者同出而先我故事  
親而孝從兄而弟乃愛之先見而尤切人苟能之則  
必有不好犯上作亂之效若君子以此爲務而力行  
之至於行成而德立則自親親而仁民自仁民而愛  
物其愛有差等其施有漸次而爲仁之道生生而不  
窮矣又豈特不好犯上作亂而已哉此孝弟所以爲  
行仁之本也曰然則君子之務孝弟特以爲爲仁之  
地也耶曰不然仁者天之所以與我而不可不爲之  
理也孝弟者天之所以命我而不能不然之事也但  
人爲物誘而忘其所受乎天者故於其不能不然者

或忽焉而不之務於此不務則於其所不可不爲者亦喪所本而不能以自行矣故有子以孝弟爲爲仁之本蓋以爲是皆吾心之所固有吾事之所必然但其理有本末之殊而爲之有先後之序必此本先立而後其末乃有自而生耳非謂本欲爲彼而姑先脩此以爲之地也大率聖賢之言若此類者甚眾皆以是說求之則不失其立言之旨矣曰然則義禮智信爲之亦有本耶曰亦孝弟而已矣但以愛親而言則爲仁之本也其順乎親則爲義之本也其敬乎親則爲禮之本也其知此者則爲智之本也其誠此者則爲信之本也蓋人之所爲五常百行之本喪不在於此孟子之論仁義禮智禮樂之實者正爲是爾此其

所以爲至德要道也歟

朱子文集

答范伯崇

性中祇有仁義禮智曷嘗有孝弟來

此語亦要體會得是若差卽不成道理蓋天下喪性外之物豈性外別有一物名孝弟乎但方在性中則但見仁義禮智四者而已仁便包攝孝弟在其中但未發出未有孝弟之名目非孝弟與仁各是一物性中祇有仁而喪孝弟也猶天地一元之氣祇有水火木金土言水而不曰江淮河漢言木而不曰梧檟楸棘非有彼而喪此也

鼎雙江

豹

曰孝弟是初心萌芽至真切處孩提不待

學慮而自知自能者人能培養得此真念不息則氤氲化醕資生資始萬物育焉故曰爲仁之本

汪雙池曰子貢務博施墨氏言兼愛人多向空闊處  
求行仁而切近處不理會故有子約而反之使人務  
孝弟蓋切近處實踐則天理本心自油然而生滿腔  
惻隱抑遏不住所謂本立道生也

焦廣期

袁熹

曰延篤論仁孝略云耳目手足功雖顯

外本之者心草木之生末雖繁蔚致之者根夫仁人  
之有孝猶四體之有心腹枝葉之有根本也仁以枝  
葉扶疏爲大孝以心體根本爲先案篤之所言仁者  
與有子言爲仁正同皆以及物功用爲言故有四體  
枝葉之喻本立道生得此論其義著明蓋漢儒之篤  
論也

王伯厚

應麟

曰有子曾子竝偁然斯道之傳唯曾子



得之而有子之學無傳焉曾子守約而力行有子知之而已智足以知聖人而未能力行也家語偁其彊識好古道其視以魯得之者有閒矣曰學者學有子可乎曰孝弟務本此入道之門積德之基學聖人之學莫先焉未能服行斯言而欲凌高厲空造一貫忠恕之域吾見其自大而喪得也學會子者當自有子孝弟之言始

尹元孚會一曰尹侍講謂學者所以學爲人也學而至於聖人亦不過盡爲人之道而已觀學而次章卽記有子之言可知大指人自習焉不察耳

案孝弟爲行仁之本義固正大觀井有人焉人偕佗仁則此章仁字似亦人之偕字如佗人字解與

章嘗其爲人也句相應義甚直截初學記友悌部  
太平御覽人事部引論語俱伯其爲人之本與可  
備一解

陸稼書曰程子性中曷嘗有孝弟一句明季講家淡  
詆之謂與告子義外同病不知告子是言義非性中  
所有程子是言孝弟在性中祇包在仁內天淵不同  
用誥謹案程子此語近漢學家詆之尤力然  
細玩此段語意是答孝弟爲仁之本之問恐  
人以用爲體則不識大本也此義以未發已  
發言之其理易明蓋仁性也孝弟仁之用也  
性之未發生意渾淪無所不備祇可謂之仁  
不可謂之孝弟至其已發及於親而後爲孝

及於兄而後爲弟是孝弟乃仁之所發而未發之性不得以孝弟名矣

子曰巧言令色鮮矣仁

朱子語類

不知何氏錄

巧言令色鮮矣仁祇爭一爲己爲

人且如動容貌正顏色是合當如此何害於事若爲此務以說人則不可

又

南升錄

祇是心在時便是仁若巧言令色之人一向

逐外則心便不在安得謂之仁

朱子論語或問或問子於冉章旣以仁爲變之理矣於此又以爲心之德何哉曰仁之道大不可以一言而盡也程子論乾四德而曰四德之元猶五常之仁偏言則一事專言則包四者推此而言則可見矣蓋

仁也者五常之首也而包四者惻隱之體也而貫四端故仁之爲義偏言之則曰愛之理耑章所言之類是也專言之則曰心之德此章所言之類是也其實愛之理所以爲心之德是以聖門之學必以求仁爲要而語其所以行之者則必以孝弟爲先論其所以賊之者則必以巧言令色爲甚記語者所以列此二章於首章之次而其序又如此欲學者知仁之爲急而識其所當務與其所可戒也

用詰謹案或問以心之德屬此章蓋是集注未改之本

許白雲謙曰此章大意似聖人觀人然未嘗不警省學者觀其辭甚嚴蓋警省學者之意爲多

又曰集注以專言之仁當之若總而言致飾說人全是私意故天理泯分而言巧言是喪信令色非莊是喪禮不能守正而求說於人是不知義外飾欲欺人而終爲識者所知是不智一舉而心德皆亡

胡雲峰

炳文

曰剛毅木訥之質近仁巧言令色之心

不仁蓋在外者惟務致飾以說人在內者固已自失其所以爲人矣上文犯上作亂是剛惡此是柔惡聖人深惡焉

何義門曰此與下章連類記正是提撕教人加之省察切己返求從言貌細微處實做功夫非汗漫觀人之訟

顧亭林

炎武

曰天下不仁之人有二一爲好犯上好

佗亂之人一爲巧言令色之人自幼而不孫弟以至  
於弑父與君皆好犯上好佗亂之推也自脅肩諂笑  
未同而言以至於苟患失之喪所不至皆巧言令色  
之推也然則學宜如之何必先之以孝弟以消其悖  
逆陵暴之心繼之以忠信以去其僂僻側媚之習使  
一言一動皆出於其本心而不使不仁者加乎其身  
夫然後可以修身而治國矣

黃勉齋

幹

曰仁性也旣曰愛又曰心何也天地之大

德曰生天地之所以爲德語其全體而極其大用不  
過生生而已生之外無它道也天地以是爲心而人  
得天地之心以爲心故其所以爲仁者愛是也仁固  
主於愛然人心有仁有義有禮有智其所爲德者非

一仁包四德而貫四端則凡吾心之全德莫非仁也  
論仁之所專主而至切者則曰愛論仁之所兼統而  
至廣者則曰心不若此不足以盡其義也曰愛矣而  
又曰愛之理曰心矣而又曰心之德何也愛自是情  
仁自是性程子言之矣愛非所以言仁也曰愛之理  
則是仁乃愛之理而非愛也蓋指性而言也合性與  
知覺有心之名張子言之矣言心則合性與知覺而  
言曰心之德則專指此心所得之理所謂性也而凡  
所具之理皆在其中矣既曰愛之理心之德則釐而  
爲二矣又曰其實愛之理所以爲心之德何也論其  
專主而至切者固曰愛之理然其兼統而至廣者亦  
豈離乎愛之理哉故春者生意之生也夏者生意之

長也秋者生意之斂也冬者生意之藏也蓋喪適而非生意也方其靜也則一生意足以包四德及其動也則一生意足以貫四端愛之理心之德又豈有二事哉但別而言之使其部分位置截然不亂又合而言之使其倫理脈絡渾然喪聞也

家鱣息先生曰惟其爲心之德故所得於天地者必當全受全歸盡其性而得其本心而事皆當理推其極必至於全體天理喪一豪人欲之私而後心之德喪虧惟其爲愛之理故所得於天地生物之心者發之最先莫切於身所從生之一本而愛親敬兄之心孩提卽具推其極又必至於利民濟物喪一物不得其所然後愛之理喪虧



曾子曰吾日三省吾身爲人謀而不忠乎與朋友交而不信乎傳不習乎

朱子語類

蓋卿錄

爲人謀而不忠不惟欺人乃是自欺

且說爲人謀而不忠後此中是幾多病痛此便是謹獨之道理

又

時舉錄

人之本心固是要忠信但見是別人事便不

如己事切若計較利害此病猶輕惟是未計較利害時已自有私意此病最重纔有此軀殼便自私佛氏所謂流注想者是也但其端甚微直是要省察

又

錄錄

曾子三省是當下便省省得便改不是事過後

方改

又

安卿錄

問爲人謀交朋友是應接事物時若未爲人

謀未交朋友之時所謂忠信如何曰程子謂辨雞鳴而起孳孳爲善若未接物時如何爲善祇是主於敬此是存養此心在此照管勿差失便是戒慎乎其所以不睹恐懼乎其所不問不動而敬不言而信處

又錄問程先生曰人道惟在忠信不誠喪物誠是忠

信否曰是問集注說三者之序又以忠信爲傳習之本曰大抵特面許多語皆以忠信爲本之意若喪忠信便不是人如何講學

又錄道夫問尹氏謂曾子守約故動必求諸身莫須博

學而後守之以約否曰參也魯其爲人質實心不在外故雖所學之博而所守自約

又錄方子曾子之學大率力行之意多守約是於樸實

省氣力處用功

朱子論語或問或問程子所謂盡己之謂忠以實之謂信何也曰盡己之心而無隱所謂忠也以其出乎內者而言也以事之實而無違所謂信也以其驗乎外者而言也然未有忠而不信未有信而不出乎忠者也故又曰發己自盡謂忠循物無違謂信此衷衷之謂也亦此之謂而加密焉爾曰程子又謂忠信者以人言之要之則實理者何也曰堯章五常之目已具此意矣夫信之爲信實有之理也凡性之所謂仁義禮智實有而無妄者信也所謂實理者是也其見於用則出於心而自盡者謂之忠以循物而無違者謂之信而凡四端之發皆必以是爲主焉所謂以人

言之是也蓋五行之氣各居乎一方而王一時惟土  
無不在故居中央而分王於四季是乃天理之本然  
而人之所稟以生者莫不象之此人之所以克肖天  
地而爲萬物之靈也

黃勉齋曰爲人謀則必欲實盡其心交朋友則必欲  
實踐其言講學於師則必欲實用其力蓋曾子天資  
醇厚志學懇篤其於大學旣推明誠意之旨而傳之  
子思又斷以誠身之義至其自省又皆一本乎誠蓋  
不極乎誠則凡所作為無非苟簡滅裂是豈足以盡  
人事之當然而合天理之本然哉

金仁山曰傳不習乎程伯子作傳之於人以上二事  
例之爲人交友俱爲及人之事則此傳當從程子之

說乃傳業與人者傳業與人而不習於己正鄭氏所謂講時爲學者誦之師不心解者不習而傳豈不誤人蓋此三事乃及人之事常情所易忽故曾子於此三事日省吾身恐以爲不切已而有所不盡也其事雖屬及人而不忠不信不習則其失實爲切已故曰省吾身此三言日用交際所必有故忠信習隨事而必省所以曰日省

用誥謹案集解何曰傳不習乎言凡所傳之事得喪素不講習而傳之乎程子蓋從古說

王方麓

樵

曰君子不從形骸起念故處已處人其心

一致事之成敗利鈍雖非吾所能逆睹而理當如是  
以爲之處者少有一豪之不盡卽爲不忠蓋盡已之

謂忠到得盡已則理之所可爲爲己爲人皆盡不盡矣常說爲人謀不如自爲謀之盡則爲不忠此猶是龜說

芮蒿子

長恤

曰人苟知爲己之學未有不致嚴於自

治者惟是物我交關之際功在隔體而寬假之意或從而問之故曾子曰省必以是三者爲切身之責而加察焉蓋無所不用其誠也

孫懿齋

嘉謚

曰三省當提忠信仁大主腦而從最易

不忠不信者日省其身方見曾子務本守約得聖學之真傳處蓋忠信好學聖人爲誨之實功全在乎此焦廣期曰忠信之心不言不動而存參耑倚衡而不可失者也爲人謀則用其忠交朋友則用其信此一

事之忠信也而全體之忠信亦在焉故注言忠信爲傳習之本正謂夫忠信之常存者耳

陸稼書曰言省察卽有克治克治不嚴省察亦徒然目須於氣稟物欲中力戰得勝方立得身定方是真能省察曾子於三省苟尚有格物致知功夫於道理已明故其所省者如此若學者未會有格致功夫忠信習三字尙認不清省字便難下手又三省是動時功夫須靜時能存養此心動時方能省察若靜時不知存養則到動時手忙腳亂如何能省

家慈思先生曰忠信之義絜矩章注云發己自盡爲忠循物喪違爲信用明道語也三省章注云盡己之謂忠以實之謂信用伊川語也然循物喪違止可訓

絜矩章之信而於它章未能皆合故陳北溪謂伊川方說得埒實須知忠者信之本信者忠之發朱子曰忠信祇是一理自中心發出便是忠驗之事謂之信此卽明道所謂表裏之義也故忠多以事君言信多以出言言又如不疑爲信又對色莊則正顏色近信皆忠信之一義惟盡己以實四字於義埒當而該括又忠信之信與五常之信亦有別朱子曰人之所以爲性者五五者之中所謂信者是眞實无妄之道理如仁義禮智皆眞實而无妄者也陳北溪曰五常之信以心之實理言忠信是就人用功夫上立字其說是也

子曰道千乘之國敬事而信節用而愛人使民以時



朱子語類

伯羽錄

堯是初頭出治第一聖人堯典是第一

一篇典籍說堯之德欽是第一字今看聖賢千言萬語大事小事莫不本於敬收拾得己之精神在此方看得道理盡看道理不盡祇是不會專一或云主一之謂敬敬莫祇是主一曰主一是敬字注解要之事無大無小常令己之精神思慮盡在此遇事時如此無事時亦如此

又

伯羽錄

問敬事而信疑此敬是小心畏謹之謂非主

一無適之謂曰遇事臨深履薄而爲之不敢輕不敢慢乃是主一無適

又

鶴錄

梃本功夫在敬能敬則下面許多事方照管得

到古聖賢自堯舜以來便說此敬字孔子曰修己以

敬此是最要緊處

又

賀孫錄

有此五者而後上之意接於下下之情方始

得親於上上下下相關方可以爲治喪此五者則君抗

然於上而民蓋不知所向

又

木之錄

問學而一篇多是務本之意此章言及爲政

如何曰此是爲政之本如尊五美屏四惡行夏之時  
堯殷之輅服周之冕之類喪此基本如何做去

朱子論語或問或問千乘之說包氏馬氏孰爲得邪  
曰此義蓋嘗攷之疑馬氏爲可據蓋如馬氏之說則  
八百家而出車一乘如包氏之說則八十家而出車  
一乘凡車一乘甲士步卒合七十五人而馬牛兵甲

糧糗芻茭具焉恐非八十家所能給也然與孟子王

制之說不同疑孟子未嘗盡見班肅分土之籍特以傳聞言之故不能無小誤若王制則固非三代古書其亦無足據矣

朱子文集

井田類說

書曰天秩有禮天罰有辜故聖人因

天秩而制五禮因天罰而制五刑建司馬之官設六

軍之眾因井田而制軍賦地方一里爲井井十爲通

通十爲成成方十里成十爲眾眾

班志並  
作終字

十爲同同

方百里同十爲封封十爲畿畿方千里地四井爲邑

四邑爲邨邨十六井有戎馬一匹牛三頭四邨爲甸

六十四井有戎馬四匹兵車一乘牛十二頭甲士三

人步卒七十二人干戈備具是謂司馬之法一同百

里提封萬井除山川坑塹城池邑居園圃術路三千

六百井定出賦六千四百井戎馬四百匹兵車百乘  
此卿大夫采地之大者是謂百乘之家一封三百一  
十六里提封十萬井定出賦六萬四千井戎馬四千  
匹兵車千乘此諸侯之大者謂之千乘之國天子畿  
方千里提封百萬井定出賦六十四萬井戎馬四萬  
匹兵車萬乘戎馬車徒千戈素具春振旅以蒐夏拔  
舍以苗秋治兵以獮冬大閱以狩於農隙以講事焉  
黃勉齋曰師說以敬字惟畏字近之蓋敬者此心肅  
然有所畏之名畏則心主於一也

蔡覺軒構曰敬該動靜主一亦該動靜此章敬乃主  
動而言

金仁山曰敬信節愛是其所存至於政則必有法制

禁令紀綱文章夫子荅問政者亦多從身心說蓋其  
時先王之制數尙多褻慈但治國者喪是心故其政  
不行爾至孟子時先王制數廢改殆盡故孟子之論  
治國往往兼制數言之

許魯齋衡曰德性是學問中大節目不可須臾離也  
聖人言論句句是尊德性一有失墜萬事隳敗如道  
干桀之國不說制度如何祇說敬事而信節用而愛  
人使民以時

陸稼書曰胡氏謂五者以敬爲本朱子有反覆相因  
之說皆論道理如此在夫子祇是平說敬字淡言之  
可包下四件修己以敬是也淺言之則遇事謹慎之  
意不必說到包括眾善此章之敬是也信者不用權

詭不朝憂暮改皆是眞塙之誠喪裏如一始終如一  
雖事勢之窮亦有濟以變之時而眞塙者常在終是  
守常之時多濟變之時少節用不必說節非徧蓄而  
常節者務欲返一國奢靡之習而同歸於樸變人不  
必說變非姑息而當變者務欲合一國臣民之眾而  
共遊於蕩平

何北山

基

曰主一者指示所以持敬之要用力之方

昭然易見朱子所謂身在是則心在是而無一息之  
離此靜中之主一也所謂事在是則心在是而無一  
念之離此動中之主一也若無適二字則又爲主一  
再下注腳主一自然無適無適方爲主一觀程子主  
一之謂敬無適之謂一二語敬之爲敬可得而持矣

朱子曰敬者主一喪適之謂尤約而明

王船山曰案周制四井爲邑四邑爲邳四邳爲甸甸

方八里旁加一里方十里爲成一成之地提封百井

三分去一六十四井而出長轂一乘

旁三十六井鄭氏以爲治區據

班孟堅說則是山川沈邱城池邑居圖圓術路也今從班說

孟子言公侯之地方

百里則提封萬井僅得戎車百乘而王制鄭注本周

官以爲周公攝政致太平席大九州之界封諸侯大

國地方五百里其次侯四百里其次伯三百里其次

子二百里其次男百里方五百里之國提封二十五

萬井方四百里之國提封一十六萬井是大國當出

賦二千五百乘次國當出賦一千六百乘皆不啻千

乘而千乘之賦計其提封當十萬井以開方泐計之

大略地方三百一十六里有奇視伯國稍大何云大國所以然者周官之說兼封域之地計里而爲疆而賦車之制以實耕之田計夫而出槩案周官有上地不易之田百畝中地一易之田二百畝下地再易之田三百畝之差通計其率殆亦三分公一方五百里之國計二十五同周官以方百里爲同以一同之地建國立郊遂餘二十四同三而二則十六同也可出車千六百槩方四百里之國計十六同以一同立郊遂餘十五同三而二則十同也可出車千槩所謂千槩之國也蓋周制上公惟宋一國它卽有大功如周召及太公皆僅封侯故千槩卽爲大國也是則周禮言分封之制固詳於孟子而孟子言諸侯皆公其籍則得之傳



間以殷末周初之制言之而非周公之典也

雷介菴

學淇

曰千乘之國古注馬說爲長馬引司馬

公何氏謂之周禮蓋司馬公百五十五篇乃周之軍禮卽周官之政典也此與大司徒五等封地之說不甚合彼言封建之大凡此言賦軍之實數故曰地方三百一十六里或多於此或少於此則司徒五等之封是已然三百一十六里其地千成成出革車一乘是兼溝涂里巷一易再易之地言之非謂九百夫家始出一乘也鄭康成小司徒注引司馬公曰夫三爲屋屋三爲井井十爲通通爲匹馬三十家士一人從二人通十爲成成百井三百家革車一乘士十人從二十人蓋宮室涂巷三而公一不易一易再易通率

二而當一故一成惟有三百家由是成十爲終終十爲同同方百里革車百乘士千人從二千人同十爲封封方三百一十六里車千乘士萬人從二萬人是曰千乘之國此周有天下監於二代之通制也武王之伐殷也革車三百兩虎賁三千人

此虎賁謂每乘之士十人也

齊之戍曹也使公子無虧率車三百乘甲士三千人魯之頌僖公也曰公車千乘公從三萬

此公從兼皆士在內

與此制符合但此三百一十六里是除去附庸之國及名山大川言之若兼并於內則方五百里方四百里實皆此千乘之賦也自古國邑非如棋局之均齊亦止絕長補短約有此數加之山川之國賦入必不及沃饒勤儉之邦供給必減於大國殷索周索戎索

既異貢泐助泐徹泐亦殊故王畿侯國車乘之泐又  
有大偏小偏及甸出長轂七十五人爲一乘等制未  
可泥以一偏之見也

毛西河

奇齡

曰問古千乘之國地方百里出兵車千

乘故偁千乘之國方里而井百里之國爲萬井而出  
千乘是十井出一乘周禮乃謂九夫爲井四井爲邑  
四邑爲邛四邛爲甸甸六十四井出車一乘則是百  
里之國止出兵車一百五十六乘何名千乘乎曰周  
禮小司徒職惟有九夫爲井四井爲邑四邑爲邛四  
邛爲甸甸四甸其下甸出一乘云云皆司馬泐文杜預  
引此注左傳司馬泐者史記齊景公時有司馬穰苴  
會著兵泐至戰國時齊威王使大夫追論古司馬兵

泠而附穰苴於其中名司馬泠然有兩司馬泠兩言  
出車之制其一又曰六尺爲步步百爲畝畝百爲夫  
夫三爲屋屋三爲井井十爲通通十爲成成出革車  
一乘此馬融引之注論語鄭康成引之注周禮然皆  
非是大抵侯國以百里爲斷百里之地以開方計之  
實得萬里孟子方里而非萬里者萬井也乃以甸出  
一乘計之甸方八里實得六十四井以成出一乘計  
之成方十里實得百井百井出一乘則萬井止百乘  
六十四井出一乘則萬井止一百五十有六乘矣雖  
爲之說者曰成之十里卽是甸之八里以甸八里外  
有治溝洫之夫各受一井得二里不出車賦仍是十  
里然其與千乘之賦則總不合於是馬融謂侯封不

止百里當有方三百一十六里有奇而鄭康成則直據周禮謂公五百里侯四百里伯三百里子二百里男一百里以求合於成甸出車之數夫列齋惟五分土惟三眞周制也公侯百里伯七十里子男五十里王制之等也故易曰震驚百里言建侯象雷震地止百里而春秋傳曰列國一同一同者百里之地故孟子謂周公太公其始封俱止百里非地有不足而隄制如是此在漢後五經諸家如何休張苞包咸范甯輩皆歷爲是說而乃以五等班祿亂周家三等之制以一人之書盡反易春秋尙書孟子王制諸經傳之文豈可訓也

金誠齋

鶚

曰包氏以爲十井出一乘馬氏以爲百井

出一乘班固荆志所言與馬氏合諸儒多主之黜  
獨以爲不然孟子言天子千里大國百里次國七十  
里小國五十里又言萬乘之國千乘之家千乘之國  
百乘之家萬取千焉千取百焉是千里出車萬乘百  
里出車千乘十里出車百乘也子產言天子一圻列  
國一同圻方千里同方百里亦如孟子之說以開方  
之法計之方里而井百里之國計有萬井萬井而出  
車千乘則十井出一乘矣若馬氏說百井出一乘則  
百里之國止有百乘必三百一十六里有奇乃有千  
乘與孟子不合包氏合於孟子是包氏爲可據矣哀  
十二年公羊傳注言軍賦十井不過一乘此一證也  
馬氏之說則據司馬法鄭康成注小司徒亦引司馬

泚云井十爲通通爲匹馬三十家士一人從二人通  
十爲成成百井三百家革車一藥士十人從二十人  
十成爲終終千井三千家革車十藥士百人從二百  
人十終爲同同方百里萬井三萬家革車百藥士千  
人從二千人賈疏通九十夫之地宮室塗巷三分公  
一又不易一易再易通率三夫受六夫之地是三十  
家也案司馬泚未必眞周公之制所言與孟子子產  
皆不合信司馬泚何如信孟子耶坊記云制國不過  
千乘家富不過百乘今謂大夫百乘地方百里等於  
大國諸侯必不然矣或謂司馬泚車乘有兩泚一云  
兵車一藥士十人從二十人一云兵車一藥甲士三  
人步卒七十二人賈公彥以士十人從二十人爲天

子畿內采地法以甲士三人步卒七十二人爲畿外

邦國法此言千乘之國是畿外邦國也一乘車士卒

共七十五人又有炊家子十人固守衣裝五人廩養

五人樵汲五人

此卽將重車二十五人也見杜牧孫子注

共一百人馬牛

芻菱具備此豈八十家所能給哉不知天子六軍出

於六鄉大國三軍出於三鄉蓋家出一人爲兵也又

三遂亦有三軍三鄉爲正卒三遂爲副卒鄉遂出兵

而不出車都鄙出車而不出兵孔仲達成元年耶甲

疏云古者天子用兵先用六鄉六鄉不足取六遂六

遂不足取都鄙及諸侯若諸侯出兵先盡三鄉三遂

鄉遂不足然後徧徵境內賈公彥小司徒疏亦云大

國三軍次國二軍小國一軍皆出於鄉遂猶不止徧



境出之是爲千乘之賦然則都鄙固不出兵也江慎  
修曰七十五人者邛乘之本法三十人者調發之通  
制魯頌公車千乘公徒三萬正與司馬法合此說得  
之然則都鄙卽至出兵而調發之數惟用三十人豈  
八十家所不能給哉至於邛乘之法八十家而具七  
十五人喪過家一人耳此但備而不用惟蒐田講武  
乃行蒐田之事未有將重車者二十五人則止七十  
有五又何不給之有農隙講武正當人人訓練家出  
一人不爲厲民也若夫車馬之費亦自不多古者材  
木取之公家山林而喪禁則造車不難馬牛畜之民  
間可給民用不過暫出以供蒐田之用耳芻茭則尤  
野人所易得者也且以八十家而出一車四馬又何

患其不給乎或又謂百里之國山川林麓城郭宮室  
涂巷園囿三分公一三鄉三遂又不出車又不易一  
易再易通率三夫受六夫之地則三百廩且不足安  
得有千廩乎不知百里之國以出稅之田言非以封  
域言也孟子言頒祿正是言田其曰地方百里者地  
與田通傳故井地卽井田也

王制皆  
他田字

百里以田言則

山川林麓以及涂巷園囿等固已除公矣頒祿必均  
若不公山川山川天下不同則祿不均矣苟境內山  
川甚多而封域止百里田稅所出安足以給用乎故  
知大國百里其封疆必不止此周禮所以有五百里  
四百里之說蓋兼山川附庸而言也孟子則專言穀  
土曰城郭宮室涂巷等雖有定數然亦非穀土則亦

不在百里之內也先儒三分公一之說亦未必然孟子言方里而井百里七十里五十里皆以井計數方里不必其形正方以方田之法算之有九百畝則曰方里地方百里等方字皆如是也然則百里之國不謂封疆其里亦非廣長之里矣孟子言一夫百畝而周禮有不易百畝一易二百畝再易三百畝之說蓋孟子言其略周禮則詳言之也分田必均周禮以三等均之其說至當左傳井衍沃牧隰皋鄭氏謂隰皋九夫爲牧二牧而當一井是也是則一井不必九百畝百里之國亦不必九百萬畝以通率二井當一井當有一千八百萬畝矣

此亦大槩言之耳天下土田美惡不同其通率未可定也

孟子但舉不易之田而言故曰一夫百畝大國百里

也鄉遂之民皆受田則亦有車乘但其他之之財受於官府故曰不出車非喪車也夫如是百里之國豈不足於千乘哉包氏之說可喪疑矣

用誥謹案千乘集解馬氏包氏之說不同何氏兼存之朱子或問從馬氏井田類說據班志亦同馬氏然荅廖子晦云千乘之說未末有端的證據司馬泂說雖占地太廣然以周禮攷之又不止此如云九夫爲井四井爲邑四邑爲邶四邶爲甸鄭氏讀甸爲乘云四邶之地出車一乘乃是六十四井也所云未閭七家出一人之役後宇文周制府衛泂乃是七家共出一兵疑於古制亦有所攷然今不可

知矣此類恐當細攷而兼存之以俟知者決  
焉據此書是朱子亦未有定論也今於遵馬  
氏者錄王氏雷氏二說遵包氏者錄毛氏金  
氏二說庶不失朱子兼存之義以待知者決  
擇焉

雷介菴曰國家使民處甚多不專力役如王伯徵師  
鄰封侵伐追胥竭仞啟塞從時皆不得已而用眾非  
常有者不在以時之例外此若朝聘征伐浚築修仞  
之類必俟冬月時未至不可使故曰營室之中土功  
其始時既過不可使故曰旣蟠而收君子不興功蒐  
苗之禮雖在春夏農民亦自有隙時且使之不過三  
日

子曰弟子入則孝出則弟謹而信汎愛眾而親仁行有餘力則以學文

朱子語類

問錄

問汎愛眾曰人自是當愛人喪憎嫌人

之道理問人之賢不肖己心中須有辨別但交接之際不可不汎愛爾曰下說而親仁仁者自當親其它自當汎愛

又

錄

問而親仁曰此亦學文之本領蓋不親仁則本

末是非何從而知之

又

明倫錄

喪弟子之職以爲本學文亦不濟事文是詩

書六藝之文古人小學便有此等今皆喪之所以難

朱子文集

答呂子約

問入孝出弟謹行信言汎愛親仁蓋

爲弟爲子日用出入之實職曠此而從區區於文義

章句閒抑末也程子謂非爲己之學意蓋如此曰修弟子之職固所以爲己博學於文以明義理之歸亦爲己也

陸稼書曰一日之間非出則入非言則行非待人接物則燕居獨處總喪一時一事不在天則中放心安得不收德性安得不定氣稟好者以此涵養之自日引而月長氣稟不好者以此變化之亦日異而月不同三代人才所以盛於百世者以其有此蒙養之道也

汪雙池曰此小學切近功夫而大學亦不外是蓋孝弟者盡倫之事謹信者踐形之事孝弟爲百行之原故嘗及之然孝弟而不謹信亦非所以爲孝弟此卽

慥慥君子夫子所謙爲未能者然教弟子必自此始也謹信省察克治之端而變眾親仁亦涵養之資變化氣質之助也有餘力而後學文行重而文末也有餘力便須學文文亦不可緩一以收其放心一以爲行之助雖未及夫大學之致知格物而格致之學亦已於此立其基矣

用誥謹案張南軒云聖人之言貫徹上下此章雖言爲弟爲子之職始學者之事然充而極之爲聖爲賢蓋不外是汪氏蓋用此說

倪仲宏士毅曰文行二者以本末之重輕言則行爲重故此章先行而後文先本而後末也以知行之先後言則文爲先故四教章先文而後行先知而後行



也以二章參觀之則文行之不可不並進可見矣

黃東發震曰此章教人爲學以躬行爲本躬行以孝

弟爲先文則行有餘力而後學之所謂文者又禮樂射御書數之謂非言語文字之末今之學者乃或反是豈因講造化性命之高遠反忘孝弟謹信之切近乎然嘗思之二者本無異旨也造化流行賦於萬物是之謂性而人得其至粹善性發見始於事親是之謂孝而推之爲百行是孝也者其體源於造化流行之粹其用達爲天下國家之仁本末一貫皆此物也故論語一書皆章先言學次章卽言孝弟至於性與天道則未嘗輕發其秘豈非孝弟實行正從性與天道中來聖門之學惟欲約之使歸於實行哉

用詰謹案或問附錄蘇氏之說朱子謂有以  
正近世好高躐等之失尤學者所宜詳味黃  
氏說與此意同

子夏曰賢賢易色事父母能竭其力事君能致其身與  
朋友交言而有信雖曰未學吾必謂之學矣

朱子語類

德明錄

問賢賢易色有二說曰變易顏色有

偽爲之者不若從上蔡說易其好色之心方見其誠  
也

又錄

儒用

問賢賢易色曰吾未見好德如好色者公讒

遠色賤貨而資德所以勸賢也已分明說矣

又錄

安卿

事父母能竭其力凡事當盡力爲之不可挨

推祇做七八分留兩三分

又明倫彙編事君能致其身集注謂不有其身是不爲己

之私計也

金仁山曰賢賢易色好善之誠也大學誠意章所謂如好好色是也人惟有誠切好善之心故於孝弟忠信之事無所不用其極所以賢賢易色居嘗

張楊園曰凡人喪好是懿德之心則喪爲善之日矣蓋秉彝之良已盡喪也子夏以賢賢易色爲嘗而繼之以竭力致身有信以喪此賢賢之誠則子夏何難不父其父臣其君何難不君其君朋友何難相傾相賣雖使多見多聞適以濟其惡而已

黃勉齋曰子夏此語與曾子三省是皆心存乎誠求造其極者也然子夏務實行而抑文學曾子務實行

而兼傳習則曾子之用功愈密而用心愈宏是則子夏之所不能及矣

辛復元

全

曰此章非說學賢實行是說學問有益世

人祇說人能散倫便是學問何必讀書然後爲學不知學不分明豈能散得倫紀且子夏以文學著名豈有爲廢學之語

王船山曰本文之旨原以攷學之成而非泛論人品使其抑學揚行則當云雖其未學亦與學者均矣子夏重學以破一切高遠之說謂此親賢盡倫之事人有妄謂其無假於學者而我必謂非務學之至者不足與此則天下豈有不學而能之聖賢哉上四段據現成人品說非就用力散行者說則亦憑空立此一

規格以驗學之所至耳吾必謂之學矣是聖學異端  
一大界隄破盡直指人心見性成佛一流邪說於此  
見子夏篤信聖人處知此而後知集注之精

案集注解末二句學行並重義自精當黃勉齋謂  
子夏務實行而抑文學卽外注吳氏意語類中亦  
有如此說者辛復元王船山則謂子夏語意仍是  
重學今兩存其說讀者分別觀之可也

黃薇香

式三

曰賢親君友各盡其道如此必其心之

眞摯常以古人自期而讀書窮理務孜孜於大端者  
陸稼書謂子夏想實行之人因忠實學之重是也雖  
曰未學假設之虛辭與雖賞之同

子曰君子不重則不威學則不固主忠信喪友不如己

者過則勿憚改

朱子語類

伯羽錄

今爲學約而易操者莫如敬敬則凡

病皆可去如不重則不威章敬是總腦必敬而後能不輕主忠信亦先因敬不敬則誕謾而已何以主之母友不如己亦然重亦不難見如人言語簡重舉動詳緩則厚重可知言語輕率舉動輕肆飛揚淺露其人輕易可知

又

南升錄

人道惟在忠信不誠喪物人不忠信如木之

喪本水之喪源一身都空矣今當反看此身能盡己之心能不違於物乎若未盡己之心而不違於物則是不忠信凡處事接物皆不誠實且謾爲之如此四者皆修身之要主忠信又最要若不主忠信便正衣

冠尊瞻視祇是色莊爲學亦是且謾爲學取友未便盡誠改過亦未必真能改過故爲人須是主忠信學而一篇再三言之

用誥謹案上條云敬爲此章總腦此又云主忠信最要蓋誠敬二義必兼之而功乃至

又義剛錄交朋友須求有益不如我者便喪敬畏之意而生狎侮之心如此則喪益

又壯祖錄問有不勝己者終不可與處乎曰若不勝己者來求於我則不當拒之聖人此言但教人求友之

法耳

又時舉錄程子所謂知其不善則速改以從善最要在速字著力凡有過若今日不改過愈淡則善愈微若

從今日優改則善可自此而積

朱子文集

答呂子約

問主忠信後於不重則不威曰聖賢

所言爲學之序例如此須先自外面分明有形象處把捉扶豎起來不如今人動便說正心誠意入無形影無稽攷處去也

朱子論語或問曰不如己之說程子周尹氏以爲不忠信者楊氏亦以爲合志同方者如何曰此蓋不欲自謂人不如己而生自滿之心且慮夫必勝己者而後友之則勝己者又將視我爲不勝己而不吾友耳其意已善矣然攷之不詳而慮之或過則亦不得而不論也蓋人之賢否優劣隱之於心則有準則非彼我好惡之私所能蔽也故學者之心雖不敢輕謂人



不如已然至於接人待物之際或親或疏或高或下亦有不容以分別爲嫌者故於齒德之殊絕者則尊而師之於賢於己者則尙而友之其不若己者雖不當就而求之以爲吾友然亦必有矜而容之勉而進之是皆理勢之自然非我之敢爲自滿而亦未嘗輕以絕人也彼賢於我者其視我者亦若是耳又何自棄我爲哉且世之陋者之所以樂以不若己者爲友者其故亦可知已蓋樂於縱恣故憚直諒者之正己而不敢親安於淺陋故忌多聞者之少己而不自問至於凡庸委瑣之流則喜其臨己而足以爲高優辟佞柔之從則說其下己而足以自肆也夫其所以定取舍者如是是以賢智日遠而所與居者盡非所役

從隸之人雖有美才良質亦且忽不自知而墮於小人之歸矣是則聖人安得不一言以警之然亦何嘗使之輕爲自滿而謂人算己若也

黃勉齋曰外厚重而內忠信則其本立友勝己而速改過則其德進

陸稼書曰重卽整齊嚴肅之意正其衣冠尊其瞻視儼然人望而畏之是重字注腳不重則孟子所謂暴其氣也不重而喪威嚴固害事不重而學不固尤害事蓋學必澹沈而後能固不重則浮學必鎮靜而後能固不重則躁讀書窮理之功必隨得而隨失省察克治之念必亡密而亡疏在初學之士必難成就卽積學之士亦且多禿佗

何北山曰主者謂凡事必靠此忠信爲本而不容它有所之之謂也夫忠者發於心之實也信者見於事之實也專以爲主則其一言一動一謀一爲其始終表裏無不出於實而虛僞之妄念自將消磨泯滅無妄之真體由是可以漸復是乃忠誠之機要而作聖之階梯也

胡敬齋

居仁

曰主忠信便是實行知識有餘而實行

不足無以有諸己

又曰人有過賢於能悔悔而不改徒悔而已於己何益改過最難須實做操存省察功夫使吾身心謹密放辟之心不生則大本堅固過失雖覺而不行也若欲防患於預須以敬爲主不使須臾慢忽

胡雲峰曰此過也而集注以爲惡日長者喪心失理爲過有心悖理爲惡自治勇則過可反而爲善自治不勇則過必流而爲惡

汪雙池曰九容威重之則也九思忠信之主也學之固所以明善也忠信所以誠身也抑抑威儀惟德之隅君子敬以直內重威非止以固學而已也然不重不威則學且不固矣喪以明道而況於進德乎然徒曰威重則又或色莊於外而知而不行以實之則學亦徒學而已故學旣固矣則必主忠信以力行之斯所學者在我由是而又慎於取友則德日進矣勇於改過則善日純矣此君子之學也

用誥謹案據外注游氏說嘗節學字義兼知

行主忠信以下皆學之事也汪氏以明善言學則學字義專屬知主忠信改過乃行之事所謂四項平開而先後有序也

真西山

德秀

曰論語言忠信不言誠至子思孟子然

後言誠蓋誠指全體而言忠信指用功處而言忠是盡於中者信是形於外者有忠方有信不信則非所以爲忠二者表裏體用之謂心喪不盡之謂忠言與行喪不實之謂信盡得忠與信卽是誠故孔子雖不言誠但欲人於忠信著力忠信喪不盡則誠在其中矣孔子教人大抵祇就行處說行到盡處自然識得本源子思孟子則竝本源發出以示人其義一也

曾子曰慎終追遠民德歸厚矣

朱子文集

與張敬夫論癸巳論語說

慎終追遠自是天理之所當

然人心之所不能已者人能如此則其德自厚而民化之矣今下一養字則是所以爲此者乃是欲以養德而其意不專於慎終追遠矣

許白雲曰常人之情於親之終悲痛之情切而戒慎之心或不及親遠而祭恭敬之心勝而思慕之情或疏君子存心則加於此送終既盡擗踊哭泣之情又愼喪成之禮如禮記殯而附於身者必誠必信勿之有悔之類祭遠者既盡孝敬之意又致追慕之情如禮記所謂祭成者如不欲生霜露既降有悽愴之心雨露既濡有怵惕之心之類如此則過於常人其德爲厚上之人既如此下民化之其德亦歸於厚

子禽問於子貢曰夫子至於是邦也必聞其政求之與抑與之與子貢曰夫子溫良恭儉讓以得之夫子之求之也其諸異乎人之求之與

朱子語類

寓錄

問良易直也曰此心不傾險不羸戾自

是平易簡直樂記言易直子諒之心管人改子諒作慈良良是人之初心慈愛良善便是元者善之長孟子說惻隱之心人皆有不忍人之心皆是此心聖人教人先要求此心正爲萬善之總處

又

明倫錄

儉謂節制非儉約之謂是不放肆常收斂之

意

又

夔孫錄

聖人德喪不備此五者皆有謙退不自聖之

意思故人皆親信而樂告之也

又德明錄此子貢舉夫子可親之一節目論全體須如

子溫而厲威而不猛恭而安

又時舉錄溫良恭儉讓要看此五字是如何氣象淡體

之於我則見聖人有不求人而人自卽之意思

朱子文集答林德久問夫子溫良恭儉讓伊川以爲盛德

光輝接見於人者也學聖人者其德性當如何涵養

恐是持敬爲先否曰持敬固是本原然亦須隨事省

察去其不如此者

楊賓實日子貢之稱夫子有文章性道及焉不學美

富日月升天等章而示人學聖之要變化氣質之道

未有先於聞政章者嘗揭夫子之溫良恭儉讓使人

望而仰之則而象之有不覺暴戾驕慢之潛消者無



行不與於此顯示其真學聖者舍此奚從焉

又曰溫良恭儉讓此夫子之容貌言色辭氣也曾子  
所脩三賢遠暴慢鄙倍而近信蓋隨時隨處存心檢  
察求戾幾乎此也顏子從事四勿於視聽言動克己  
以復於禮好問虛受忿怒不校與夫子氣象不相遠  
分之爲三爲四合之總歸於威儀此聖人喪行不與  
之教故述子貢之脩聖以此爲首而紀顏曾之傳道  
亦不外此以爲依據也

子曰父在觀其志父沒觀其行三年無改於父之道可  
謂孝矣

朱子語類

明倫錄

觀志觀行祇是大槩須是無改方見

得孝若大段悖理處又自當改此特言其常耳

又

伯羽錄

問上二句見守身之行下一句見愛親之心

曰亦不必做兩截說上二句觀人之大槩下一句就觀其行看其用心之厚薄如何行雖善矣父道可以未改而輕率改之亦未善也

朱子論語或問爲人子者本以守父之道不忍有改爲之心至其所遇之不同則隨其輕重而以義制之目三季而改者意其有爲而言也其不可改則終身不改固不待言其不可以待三季者則又非常之變亦不可以預言矣善讀者推類而求之或終身不改或三季而改或甚不得已則不待三季而改顧其所遇如何但不忍之心則不可無耳或曰曾謝方明承代將人不易其政其必宜改則以漸變之使無迹可

尋爲人子者不幸而父之過有當必改者以是爲法而隱忍遷就於義理之中不亦可乎曰吾嘗聞之師矣以爲此其意則固善矣然用心每每如此卽驥驥然所失卻多必不得已但當至誠哀痛以改之而已何必隱忍遷就之云乎至哉此言足以警學者用心之微矣

朱子文集

荅何叔京

大意不忍改之心是根本處而其事

之權衡則游氏之說盡之

又

荅董叔重

問程子所謂孝子居喪志存守父在之道不

必主事而言者頗爲的當父在子不得專於行事而志之趨向可知故觀其志父歿則子可以行其志矣其行實暴白故觀其行然三季之間疾痛哀慕其心

方皇皇然望望然若父之存而戾幾於親之復見豈忍以爲可以得行己志而遽改以從己志哉存得此心則於事有不得不改者吾迫於公議不得已而改之亦無害其爲孝矣若夫其心自幸以爲於是可以行己之志而於菑事不如己意者則遂遽改以從己之志則不孝亦大矣豈復論其改之當與不當哉蓋孝子處心親雖有存歿之間而其心一如父在不敢自專三季之間如白駒過隙此心尙不能存而一不如志率然而改則孝子之心安在哉故夫子直指孝子之心推見至隱而言不必主事言也若乃外迫公議內懷願改而方且隱忍遷就以俟三季而後改焉則但不失經文而已大非聖人之意矣曰此說得之

楊賓實曰三季喪改發孝子之心於是爲至蓋溢於天性之變而不違乎禮義之則其志行之渙厚純篤異於尋常矣

黃薇香曰此爲人子不能承順父道與守道不久者言之也其志其行子之志與行也父在而所行雖善或壓於勢故觀其志父歿則志與行符觀行卽知志也父之道父所行之善者也三季喪改於父之道不改已久可信其終身之不改而謂之孝也呂伯恭曰喪改於父之道不灰其親也至於事之害理父在固將諫而改之苟以父歿之故而不敢改是以存歿二其心也汪容甫曰三季者言其久也何以不改也爲其爲道也三季云者雖終其身可也自斯義不明而

後章愜高拱之邪說出矣

用詰謹案三季喪改於父之道朱子從游氏  
在所當改而可以未改之說故語類備錄云  
說三季喪改便是事有未是處父之道已是  
何用說喪改終身行之可也又人傑錄道猶  
事也言道者尊父之辭是以父之道泛指父  
之事言黃氏云父之道父所行之善者也重  
言道字可備一解

錢竹汀

大昕

曰孔子之言論孝喪疑以爲觀父之志

行是也不孝之子菴且不顧安能觀其志朝夕忘  
安能觀其行禮曰視於喪形聽於喪聲觀其志之謂  
善繼人之志善述人之事觀其行之謂至於父之志

行容有未盡善者不得槩以承述爲孝然但日觀而  
不日承述則諍過幹蠱之義在其中而與三季喪改  
之文亦喪觸背

案朱子荅呂子約書云有謂其志其行皆指父而  
言意亦自好試竝思之則朱子當日亦兩存其說  
用誥謹案集注義從古注錢氏此條用精義  
中范氏之說張南軒亦從此說

有子曰禮之用和爲賢先王之道斯爲美小大由之有  
所不行知和而和不以禮節之亦不可行也

朱子語類

閩祖錄

禮主於敬而其用以和爲賢然如何

得其敬而和著意嚴敬卽拘迫而不安要放寬又流  
蕩而喪節須是真識得禮之自然處則事事物物皆

有自然之節文雖欲不如此不可得也故雖嚴而未嘗不和雖和而未嘗不嚴

又錄

維要知禮合如此所以行之則和緩而不迫蓋聖

人制禮喪一節是彊人皆是合如此且如孔子與上大夫言自然閭閻與下大夫言自然侃侃在學者須知與上大夫言合用閭閻與下大夫言合用侃侃優自然和呂與叔云自斬至總衣服異等九族之情喪所憾自王公至阜隸儀章異制上下之分算敢爭皆出於性之所有循而行之喪不中節也此言禮之出於自然喪一節彊人須知得此理則自然和

又錄

時舉禮如此之嚴分毫不可犯何處有和須知吾

心安處便是和入公門鞠躬如也須是如此吾心方



安不如此僂不安不安僂不和也以此見禮中本有和非外面物事也

又義剛錄

問從容不迫如何謂之和曰是說行得自然

如此喪牽彊之意禮中自有從容不迫不是有禮後更添一從容不迫離禮說從容不迫僂是自恣

又時舉錄

知和而和是一向求和僂是離禮且如端坐

不如箕踞徐行後長者不如疾行先長者到此焉有禮可知是不可行也

何義門曰班固云事舉其中禮取其和不以禮節則失中而歸於不和矣何可行之有案中和相因未有不中而可以爲和者也

陸稼書曰禮之所貴者和而禮中之和禮之所以行

也禮外之和禮之所以不行也禮中之和原於天性  
禮外之和出於氣稟人欲習俗禮中之和與敬爲一  
禮外之和與肆爲一行不行之機亦沒於敬肆而已  
故三千三百一言以蔽之曰蕪不敬有子特拈出一  
和字以見敬之在我而非外鑠者也是卽孟子性善  
之旨也又拈出一知和而和以防假借之弊一章大  
意總爲放蕩之人痛下鍼砭

汪雙池曰有恭敬之心而將以玉帛有辭遜之心而  
行以拜跪則節文度數莫非眞意流行其間舉動閒  
自覺從容不迫苟或本無敬心而彊將玉帛本無讓  
心而彊爲拜跪則眞意既亡行禮時亦覺虛文束縛  
非從容不迫矣周末文勝眞意盡亡玉帛儀文全出

勉彊不和爲甚其有激於此而欲矯之者如棘子成  
子桑戶之徒又因而遊於方之外防檢蕩然有子目  
擊其弊故欲範以先王人祇知次節爲防弊不知徒  
和之弊實因不和者所激而至兩節皆有防弊之意  
蔡覺軒曰有子專以禮之用言朱子兼以禮之體言  
論禮之用固以和爲賢論禮之體則禮中本有自然  
之和若謂知和而和不以禮節之則禮與和成二物  
矣朱子所以因有子言禮之用而以禮之體發其所  
未發可謂有功於聖經矣

金仁山曰程子禮樂之說所該爲大樂記天高地下  
萬物散殊而禮制行矣流而不息合同而化而樂興  
焉此章所謂禮蓋高下散殊之分也其所謂和則合

同交通之意也先王制禮其尊卑賢賤上下之體截然甚嚴然其用則常有交通和同之意行其間如宗廟之禮至嚴也而旅酬逮下獻官之禮多儀也而夔示慈惠尊卑上下至辨也而燦然有文之中每有惓然相愛之意此皆禮之用有和而小大皆由之又如飲食合歡也而遏豆有數延祭有儀臣侍君燕不過三爵夫婦和好也而內外有辨衣服異藏溲浴異處此類非一或但知和洽之意而略上下名分尊卑降殺男女內外之節此所以流而生禍而亦不可行也集注但見行禮不拘迫之意似不見交際和洽之意但說君子行禮之意不推先王制禮之意然於其旨取程子之說末有嚴泰和節之說則該之矣

用詰謹案有子嘗言禮之用下節又防用和之弊自當指用禮之和言如金氏所解是也集注以禮之發於自然者爲和蓋言用和之所以然欲人求之於內而得其本也

張楊園曰禮者天理之節文若人之言語行事合於天理自然有節有文若喪節喪文則直情徑行便已不是天理矣禮儀三百威儀三千自有之節文不待安排也

家慈思先生曰禮有體有用故朱子注曰天理之節文人事之儀則天理之節文云者仁義禮智皆天理而仁義之喪過不及以合於中者卽禮中庸言親親之殺尊賢之等禮所生也孟子言禮之實節文斯二

者是也夫子言義以爲質而曰禮以行之皆此意也  
人事儀則云者先王因人情而制禮禮以義起而儀  
文漸備中庸言禮儀三百威儀三千可見聖賢言禮  
有以體言者有以用言者有兼體用言者然體用未  
嘗相離蓋惟天理有此節文故人事自然有此儀則  
非以人意勉彊爲之故曰和爲賢而儀則之多皆出  
於人人各具之天理發爲恭敬辭讓之心而自不容  
己故曰毋不敬須知敬是禮之骨子心喪一時不收  
斂則一言一動卽喪不有當循之禮而言動一一循  
禮則心自不至於放弛內外交養之道也

黃薇香曰樂記始言天理鄭君注理猶性也凡訓詁  
義隔而通之曰猶鄭注云猶性謂人性合天理之條

理也朱子注屢言天理又言天理渾然其荅何叔京書曰天理既渾然然既謂之理卽是一有條理者之名字不可以一理言是謂之渾然須知天理祇是仁義禮智之總名朱子以天理爲仁義禮智之總名故言仁曰愛之理言禮曰天理之節文以其分者言之也

有子曰信近於義言可復也恭近於禮遠恥辱也因不失其親亦可宗也

朱子論語或問人之約信固欲其言之必踐也然其始也或不度其宜焉則所言將有不可踐者矣以爲義有不可而遂不踐則失其信以爲信之所枉而必踐焉則害於義二者喪一可也若約信之始而又求

其近於義焉則其言喪不可踐而喪二者之失矣

朱子語類

錄

非止諂媚於人是取辱之道恭不及禮

亦能取辱

又

人傑錄

我所親之人將來優可爲吾之宗主主如主

顏離由之主且如此人不可親而吾乃親之若此人

它日得志援我以進則是我失其所主矣陳了翁曾

受蔡卞之薦後來擺脫不得乃是失其所親者也

又

時舉錄

恭近於禮信近於義因不失其親是接人與

物之初下數句是久而喪弊之效但當初合下優須

思量到喪弊處也

焦廣期曰聖賢言語不迫切故說近字其實則信必

求合於義恭必求合於禮非苟近之而已與正顏色



大學章句  
斯近信之近同

陸稼書曰此與曾子三省章相表裏其中亦有戰戰兢兢之意須合子張學干祿章同看干祿章之慎言行卽此章之謹始慮終也而先之以多聞見又繼之闕疑殆擇理旣精然後操持於言行所以能寡尤寡悔若未有多聞多見闕疑殆功夫但責其謹於言行交際亦墜下手處

張孝先

伯行

曰理卽具於事物之中所以處之而行

得其宜者義也

家鼯思先生曰義與仁同原而異用故朱注於孟子嘗章仁義皆兼體用而言其以義爲心之制者本尙書以義制事之制事至於將所以處之者卽有一截

然不易之理故義多斷制裁割之意揚子所謂於義也剛者也以爲事之宜者本中庸義者宜也之宜身與事接自有一適然各當之理昌黎所謂行而宜之之謂義也制之以心而所制者在事宜雖因事而宜之者仍在心有體用而非二物聖賢所言取斷制裁制之意如義以爲質之類是也取行無不宜之意如義之與比是也古人出處進退辭受取與之間經權常變之用皆以義爲衡其或出或處當辭當受者何以內斷於心爲經爲權者何以因物而應事不一轍皆有塙乎不拔無所游移之意而其塙乎不拔處又正其因應各當處須隨文體認得其本文之義又會其相通之理斯爲得之

子曰君子食喪求飽居喪求安敏於事而慎於言就有道而正焉可謂好學也已

朱子語類

不知何氏錄

會喪求飽居喪求安須見己心中

常有一合當著緊之道理此類自不暇及

又

錄廣

問先生常曰此章須反覆看曰若祇不求安飽

而不謹言敏行有何意思若祇謹言敏行而不就正有道則未免有差若功夫不到則雖就有道亦喪可取正者聖人之言周備喪欠闕類如此

胡雲峰曰士有所求於外則志僣不立故必喪所求於彼然後有所好於此

許白雲曰敏於事是敏速於行事喪懈惰之氣喪優游之心見義理卽爲如恐不及至於學文明理之事

亦欲敏速所謂爲學務時敏是也

王石渠

恕

曰就有道而正焉就有道之人而正所言

所行之是非是者行之非者改之斯可謂好學之人也蓋古之學者其要在乎謹言慎行以修身非徒記誦辭章而已故夫子告子張曰慎言其餘慎行其餘又曰言忠信行篤敬中庸曰言顧行行顧言是皆以言行爲學也今之學者惟務記誦辭章以取科第而已其於言行也多不致謹此其所以不及古人也歟

李二曲

顯

曰自後世正學弗明學者終身皇皇亦知

敏事慎言隆師親友志非不篤功非不密用心非不專且虛而卒不可與入聖賢之道者其所從事者非君子之學也以其爲安與飽計也故吾人今日之學

先賢清此念辦必爲君子之志此志誠立而後敏吾性命不容已之事而非有要於功利愼吾樞機躬恐不逮之言而非有心於三緘正吾學術不容不辨之道而非有意於聲氣夫然而所學爲道誼之學所好爲正大之好其人始爲君子之人

潘彥輔

德興

曰食喪求飽居喪求安是學者第一險

要關隘於此打破雖未入室已升堂矣

張孝先曰自仁義禮智爲人所稟受而言則謂之性自其仁義禮智爲人所共由者而言則謂之道道也性也非有二也

家鰲忠先生曰道者事物當行之理大而倫常小而日用算不各有其理猶行者各有其路故名之曰道

其原出於天梃於性而具於心喪一時一物不有此理一一由性中自然而出之故中庸曰率性曰不可須臾離從來言道者莫明切於此

子貢曰貧而喪諂富而喪驕何如子曰可也未若貧而樂富而好禮者也子貢曰詩云如切如磋如琢如磨其斯之謂與子曰賜也始可與言詩已矣告諸往而知來者

朱子語類

士毅錄

富喪驕貧喪諂隨分量皆可著力如

不向此立得定是入門便差

又

賀孫錄

問貧而喪諂章大意謂人必當如此曰非說

必著如此但人且要就已身省察若有諂與驕之病且就此克治

又安卿錄問富而好禮曰是不奢侈凡事好循禮不勉

彊好有樂意便全不見驕之意思

又時舉錄子貢舉詩之意非專以此爲貧而樂富而好

禮之功夫蓋見一切事皆合爲此不可安於小成而不自勉也

又錄聖門學者功夫塙實縝密逐步挨去下學上達

如子貢之喪詔喪驕是其實做到此便見得如此聖人知其已是實得方爲之進一步子貢便豁然知義理喪窮學問不可少得而遽已也子路衣敝緼袍而不恥孔子偁其不忤不求子路實到此位但便以此自喜故孔子曰是道也何足以臧子路方知尙有功夫在此正與子貢喪詔喪驕章相似今之學者先知

得甚高實行處全然欠闕且如樂與好禮今人皆知  
彊得垂諂垂驕便貪說此不知垂諂垂驕功夫未實  
進得恐從此處做病痛

朱子文集

荅虞士朋

垂諂垂驕隨事知戒足以自守矣然

未見其全體用功而有自得處也樂與好禮乃見其  
心之所存有非貧富之所能累者此子貢所以有切  
磋琢磨之譬也

輔漢卿

廣

曰爲貧所勝則氣隨以歉而爲卑屈故多

求而諂爲富所勝則氣隨以盈而爲矜肆故有恃而  
驕

許白雲曰集注垂諂垂驕知自守者能之樂則心廣  
體胖好禮則安處善樂循理學者須體認何以能自



守又何以進於心廣體胖安處善樂循理之地必有所見然後可蓋非窮理者不能然二者雖淺深不同皆知命者能之知氣數之命者則能喪詔喪驕知天理之命者然後能樂與好禮知天理之命非淡造者不能知也細體認兩節意可見

王船山曰子貢既有得於高明篤實之境而念非但擴喪詔之心而卽能樂推喪驕之志而卽能好禮乃推其所以致此之故喪詔喪驕可於貧富持也樂與好禮非可於貧富得也詩云如切如磋言乎學道之精也如琢如磨言乎公私之密也必其如是旣切而復磋擇理之精也旣琢而復磨治欲之密也則純乎理之存於中而自有其可樂之實自見理之可好而

不可略乃能於貧於富而無非道乎則無諂無驕者  
以其自守之志操而從事於學修以期進乎中和之  
德其詩之所以言君子自治之功之謂與

黃薇香曰如切如磋道學也如琢如磨自修也爾雅  
大學同亦古訓也切磋者必判其分理之細道學似  
之琢磨者必去其瑕玷之微自修似之也無諂無驕  
質美而自守者能之樂與好禮非道學自修不能及  
此故引詩以明之告以處境而知道學自修是告往  
知來也八佾篇巧笑章皇疏引沈說云夫子未言貧  
者所以能樂道富者所以能好禮子貢夏廣引理以  
答之也

用諸謹案如切如磋如琢如磨精義載范氏

謝氏引大學道學自修爲說朱子或問及答  
虞士朋謂大學乃斷章取義不必引以爲說  
而王船山黃薇香據之能見所以能樂與好  
禮之實故竝存之

家懋思先生曰李慕涯云易神以知來智以藏往神  
與智皆心之靈明神屬陽主發揚智屬陰主收藏知  
來如所謂悟性神之爲也藏往如所謂記性智之爲  
也告往知來殆所謂悟性者歟多學而識殆所謂記  
性者歟

子曰不患人之不己知患不知人也

朱子語類

錄

卓己之德行充於中不待人之知若己不

知人便是不知道不知則所見不明不能明人之賢

否所謂不知言喪以知人也

又時舉

見道理明自然知人已不識得道理如何知

它人賢否

許白雲曰就學者言上句優可包後章患其不能之意優當明理修身自加精進使有可知之實則雖不求人知而人必知之矣下句則凡尊師取友與人交際往來須知其善惡而趨避之然後喪損而有益若推而言之上句論其極則雖居高位其處已應事唯循天理上不欺其君下不病其民內喪媿於心何必欲人盡知吾心也否則有違道干譽之失矣下句論其極則仕而擇可宗之人有位而舉賢才爲用爲宰輔而進退百官非知人之明其可乎否則賢愚渾淆

分朋傾軋而亂亡至矣

楊賓賓曰此篇末以不患人之不己知患不知人結見君子之學無非爲己人倫名教之地所恃以進德修業者惟此本心之明照以收益於親賢取善之際而已矣

論語學而第一 畢